



## Società da Chatschaders secziun Tasna



### Votaziun e tschernas in scrit

Stimadas commembras e stimats commembers,

Il virus da corona ha mis tuot ün pa sül cheu, eir pro nossa società chi ha gnü da desister da la radunanza da prümvaira e da dis da chüra. Malgrà tuot la precauziun laina provar da chattar üna tscherta normalità, üna nouva normalità.

Cunquai cha'l scumond da radunanzas restarà in vigur fin almain als 6 da gün e cha la radunanza da delegiats sto gnir fatta quist on in manjera extraordinaria, ha decis la suprastanza dal UGCP da laschar vuschar in scrit a las secziuns.

La documainta per la votaziun e per las tschernas sun publichadas sün la pagina d'internet [www.bkpjv.ch](http://www.bkpjv.ch) suot DV 2020.

Il formular per Tia votaziun in scrit es agiunt a quist scriver. Il formulas stess gnir retuornà **fin al plü tard ils 20 da gün** pro nos president **Anton Priuli**.

La suprastanza da la secziun Tasna propuona d'approvar ils prüms ses puncts.

Plünavant da tscherner ils presidents centrals e ils vicepresidents propuonüts.

Sco president da chüra propuona la suprastanza da dar la vusch a Marcel Züger, quai in vista eir l'iniziativa chi stà davant porta. Marcel Züger, sco na chatschader, füss ideal per integrar e per persavader eir a na chatschaders pe nos intent.

Sco prümtregant sustegna la suprastanza a Ruggero Plozza per resguardar la minorità da lingua taliana.

Sco cha vus varat fingià dudi desista il chantun Grischun da l'obligaziun annuala da tir per chatschaderas e chatschaders per l'on 2020 causa il virus da corona. Quai voul dir cha chatschadras e chatschaders grischuns pon retrar la patentà da chatscha sainza la cumprova da tir. La suprastanza da la secziun Tasna metta pero a cour a sias commembras ed a seis commembers d'ir minchatant a trar i'l implant da tir Urezzas subit cha quel ha realisà las masüras d'igierna e da sgürezza in connex cul virus da corona. Quai sarà a partir dals 5 da gün. Acclus a quista charta chattais il programm da tir nouv. Davart da las novas directives i'l implant in connex cun corona chattais sün [www.tasna.ch](http://www.tasna.ch).

Als 13 gün vaina ün di da lavur cumüna. S'annunzchai per plaschair fin trais dis ouravant pro Mario Hässig 078 708 63 04. Il lö d'inscunter es la staziun da Guarda a las 8:30.

Restai fischs e sans.

Cun salüds chatschadrigls  
in nom da la suprastanza

  
Vos actuar Armon Schlegel